

**Uunga siunnersuut: Kommunit Namminersorlutillu Oqartussat missingersuutaat
naatsorsuutaallu pillugit Inatsisartut inatsisaat nr. xx, xx. xxx 2016-imeersoq**

Aningaasaqarnermut Akileraartarnermullu Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip pingajussaaneernejarneranut

ILASSUTITUT ISUMALIUTISSIISUTAA

Ulloq 31. oktober 2016-imi inissitsiternerup kingorna ataatsimiititaliap ilaasortarai:

Inatsisartunut ilaasortaq Jens Immanuelson, Siumut, siulittaasoq
Inatsisartunut ilaasortaq Randi V. Evaldsen, Demokraatit, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Jess Svane, Siumut
Inatsisartunut ilaasortaq Ane Hansen, Inuit Ataqatigiit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Bendt B. Kristiansen, Inuit Ataqatigiit

Ulloq 17. november 2016-imi aappassaaneerinerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Missingersuusiortarnermut naatsorsuusiortarnermullu inatsisissatut nutaatut siunnersuut pisortat ingerlataqarfiini tamarmiusuni aningaasaqarnermik aqutsineq pillugu inatsisitut isigineqarsinnaavoq.

Missingersuusiortarnermut naatsorsuusiortarnermullu inatsit nutaaq:

- pisortat aningaasaqarnerannut tunngatillugu nunami anguniakkanik aalajangersaavoq
- Namminersorlutik Oqartussat kommunillu akornanni missingersuutini ataqatigiis-saarinissamut piumasaqaateqarpoq
- pisortat aningaasanik aqutsinerannut piumasaqaateqarpoq

Aammattaq immikkoortup aappassaaneernejarnissaanut Naalakkersuisut allannguutissatut siunnersuuteqarput. Inatsisissatut siunnersuummi saqqummiunneqartumi unammisassat arlallit qaangerniarnissaat allannguutissatut siunnersuummi siunertarineqarpoq. Inatsisip atuutilerfissaa pillugu aalajangersakkat erseqqissarneqarnissaat siunertaralugu immikkoortup pingajussaaneernejarnissaanut Naalakkersuisut allannguutissatut siunnersuummik saqqummiussipput.

2. Siunnersuutip Inatsisartuni aappassaaneerneqarnera

Siunnersuummik aappassaaneerinninnermi siunnersuut allannguutissatullu siunnersuutit, inatsisissatut siunnersuummi saqqummiunneqartumi unammisassat arlallit qaangerniarneqarnissaannik siunertaqartut, tamakkiisumik taperserneqarput, siunnersuullu pingajussaaneerneqannginnermini ataatsimiititaliamut suliareqqinneqartussanngorlugu innersuunneqarluni. Apeqqutit aalajangersimasut qulaajarneqarnissaannik kissaateqarneq tamatumunnga aallaaviuvoq. Apeqqutinit saqqummiunneqartunut allakkatigut akissummik Aningaasaqarnermut Naalakkersuisoq tamatuma kingorna nassiussivoq. Taakku isumaliutissiisummut matumunnga ilanngussatut ilanngunneqarput.


3. Ataatsimiititaliap siunnersuummik suliarinninnera

Naalakkersuisut akissutaat ataatsimiititaliamit tusaatissatut tiguneqarpoq.


4. Ataatsimiititaliap inassuteqaatai

Tamanna tunngavigalugu siunnersuut Naalakkersuisut pingajussaaneerinninnissamut allannguutissatut siunnersuutaat ilanngullugu akuerineqassasoq ataatsimiititaliamit isumaqatigiittumit inassutigineqarpoq


Taama oqaaseqarluni isumaliutissiisummilu oqaatigineqartutut paasinnilluni ataatsimiititaliap siunnersuut pingajussaaniigassanngortippaa.




Jens Immanuel, Siulittaasoq




Randi V. Evaldsen




Peter Olsen




Nikolaj Jeremiassen



Jess Svane



Ane Hansen



Bendt B. Kristiansen



Aningaasaqarnermut Akileraartarnermullu Ataatsimiititaliaq

UANI

Ilanngussaq
Bilag

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisissaattut siunnersuutip UKA 2016/20 aappassaaneerneqarnerani apeqqutinut akissut.

Brevdato: 17-11-2016
Akt id. 4001102

Inatsisissatut siunnersuutip qulaani taaneqartup aappassaaneerneqarnerani IA-mut Inatsisartunut ilaasortaq Peter Olsen arlalinnik apeqquteqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aallaqqaasiutigalugu Naalakkersuisut oqaatigissavaat, Missingersuutit Naatsorsuutillu pillugit inatsimmi tunngaviit pingaarnerusut nunat allat arlallit inatsisaanni matumunnga assigusuni nassaarineqarsinnaammata.

Taamaattumik inatsit nalinginnaasumik, pisariaqartumillu, maani nunami pisortani missingersuutinik naatsorsuutinillu aqutsinerme nutarsaanermut takussutissaavoq.

Namminersulivinnissaq kiisalu nalingiinnerulernissaq pillugu naalakkersuisooqatigiinnissamut isumaqatigiisummi Naalakkersuisut anguniagassanik annertuunik inissiipput, anguniakkallu taakku piviusunngussappata, missingersuutinut inatsimmi atortussat pisariaqarput.

Apeqqut 1. § 18-imi aningaasaateqarfik taaneqartoq pilersinneqareerpa? Ilaasortat qanoq katitigaappat? Aningaasaateqarfimmi kommunit sinniisoqassappat?

Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfik missingersuusioriaatsimut naatsorsuusioriaatsimullu aningaasaateqarfiuvoq Nunattalu Karsianut ilaatinneqarluni.

Aningaasaqarnermut Naalakkersuisoq aningaasaateqarfimmik aqutsisuuvoq, ukiumoortumillu aningaasanut inatsisip suliarineqarneranut atatillugu aningaasaateqarfimmi aningaasaatit Inatsisartunit agguanneqartarput. Aningaasanik aningaasaateqarfimmit tunniunneqartunik, naalakkersuisoq aningaasanik pissarsisoq qinnuteqaatit siunertarineqartoq naapertorlugu aningaasanik aqutsissaaq.

Taamaattumik aningaasaateqarfiup siulersuisuinut assigisaannulluunniit ilaasortanik toqqaasoqarneq ajorpoq. Taamaattumik aningaasaateqarfik allaffissornermut allanulluunniit aningaasanik pisariaqartitsinngilaq.

Apeqqut 2. § 29 aamma § 30 pillugit allannguuteqarnissamut Naalakkersuisut pilersaaruteqarpat?

Aallaqqaasiullugu innersuutissavakkit, allannguutissatut siunnersuummi nr. 18 aamma 19-imut, aappassaaneerneqarneranut Naalakkersuisut saqqummiussaannut.

Aalajangersakkat siunertaraat qulakkiissallugu, Namminersorlutik Oqartussani kiisalu kommunini missingersuusiornermi ileqqorissaarneq aningaasanillu aqutsineq pisariaqartut malinneqassasut. Aalajangersakkat taakku ilaanngippata

aarlerinaateqarpoq, inatsisip siunertaa ilaatigut pisortani aningaasanik aqutsineq pitsaanerusoq anguneqanngitsuussasoq.

Piffissami aalajangersimasumi aningaasanik atuineq annertuallaarsimagaangat, inoqutigiinni tamani piffissap ilaani sipaaruteqarnissaq pisariaqalertarpoq. Taamaaliortoqanngippat, akiitsut amerlavallaalissammata. Inuiaqatigiinni missingersuutini oqimaaqatigiissitsisoqaleriasaarpat, akiitsullu annertuut uterfinneqaleraangata, aningaasaatikinnerusut nalinginnaasumik akiliinerpaasarput.

Aalajangersakkat pillugit eqqarsaataasimavoq, pisortani aningaasaqarnikkut aqutsineq sukannersoq, inuiaqatigiinnut naggataani iluaqutaassammat.

Aalajangersakkat taakku pillugit allannguutissanik allanik siunnersuuteqarnissamut Naalackersuisut pilersaaruteqanngillat.

Apeqqu 3. Sanaartornermi suliassanut %-it qassit ukiumoortumik atugassanngortinneqassanersut §-imi sorlermi allassimava?

Inatsisissatut siunnersuummi § 2, imm. 2, nr. 3-mi allassimavoq.

Aalajangersakkap piviusumik aalajangersarpaa, kommunit Namminersorlutillu Oqartussat missingersuutit 93 procentii sinnerlugit ingerlatsinermut nuussisarnermullu illuartittassanngikkaat. Taamaasilluni missingersuutit minnerpaamik 7 procentii sanaartornermut iluarsaanermullu suliassanut illuartinneqartassapput.

Aalajangersakkap siunertaraa qulakkiissallugu, illuutit pioreersut pillugit sanaartornermut iluarsaanermullu ingerlaavartumik aningaasanik illuartitsisoqartarnissaa. Taamaasilluni aalajangersakkap siuarsarpaa, illuutini pisortanik pigineqartuni siunissami nungullariartortoqannginnissaa.

Apeqqu 4. § 46-mi Aningaasaqarnermut siunnersuisoqatigiit taaneqartut sorliit pineqarpat? Atuutereersut pineqarpat? Imaluunniit pioreersut saniatigut aningaasaqarnermut siunnersuisoqatigiinnik nutaanik pilersitsisoqarnissaa pilersaarutigineqarpa?

Inatsisissatut siunnersuummi § 46-mi inatsisitigut tunngavissinneqarpoq, aningaasaqarnikkut siunnersuisoqatigiinnik pilersitsisoqassasoq. Aningaasaqarnikkut siunnersuisoqatigiit nutaat pineqanngillat, kisianni siunnersuisoqatigiit pioreersut siunissami aalajangersakkap nutaap sinaakkutaasa iluani suliaminnik suliaqartassasut.

Apeqqu 5. Inatsisissatut siunnersuut pillugu tusarniaaneq

Inatsisartut oqallinneranni eqqartorneqarpoq inatsisissatut siunnersuutip tusarniutigineqarnera. Tamanna apeqquteqartumik amigartutut taaneqarpoq. Inatsisissatut siunnersuutivik 11. januarimit 27 januarimut naalackersuisoqarfinnut kiisalu kattuffinnut attuumassuteqartunut tusarniutigineqarpoq. Tamanna tusarniaanermi akissuteqarnissamut killiliussaq nalinginnaalluinnarpoq.

11. januarimit 22. februar 2016-ip tungaanut inatsisissatut siunnersuut KANUKOKA-mi kommuninilu tusarniutigineqarpoq. Tamanna sapaatip-akunneri sisamat sinnerlugit pivoq. Tamannalu tusarniaanermi akissuteqarnissamut killiliussaq aamma nalinginnaalluinnarluni.

Allannguutissatut siunnersuut piffissami 16-30. september 2016 kattuffinni naalackersuisoqarfinnilu tusarniutigineqarpoq. Kiisalu piffissami 16. septemberimit 14. oktober 2016-imut Qeqqata Kommuniani, Kommune Kujallerimi, Kommuneqarfik Sermersumi kiisalu Qaaauitsup Kommuniani tusarniutigineqarluni.

Nalinginnaanngikkaluarpog, allannguutissatut siunnersuut pillugu taama annertutigisumik tusarniaaneq.

Naggataatigullu Naalakkersuisut kissaateqarnerannik inatsisissatut siunnersuut inatsisartut ataatsimiinnerini marlunni suliarineqarpoq (upernaag aamma ukiaq 2016), tamanna pivoq tamat kiisalu Inatsisartut, inatsisissatut siunnersuut pillugu paasisaqarnerunissaannuy oqallinnermilu peqataanissaannut tunngavissinnissaat siunertaralugu.

Tamakku tunngavigalugit, tusarniaanerup amigarsimaneranik oqariartorneq Naalakkersuisut isumaqatiginngilaat.

Inussiarnersumik inuulluaqqusillunga

Aqqaluaq B. Egede